



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

04.03.2025

195-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti 1-kurs talabasi Uralov Mahsudbek Sherali o'g'li 2025-yil 13-fevral kuni "Fuqarolik huquqiga kirish" fani dars mashg'uloti davomida o'zining no'jo'ya hatti-harakatlari bilan dars mashg'ulotiga halaqit bergan. Mazkur holat yuzasidan o'qituvchi U.Shorahmetova tomonidan Xalqaro huquq va qiyosiy huquqshunoslik fakulteti dekani D.Umarxanovaga bildirgi kiritilgan.

Mazkur holat yuzasidan elektron universitetdan dars videomateriali olinganda, talaba Uralov Mahsudbek Sherali o'g'li 2025-yil 13-fevral kuni

2-bino 321-xonada "Fuqarolik huquqiga kirish" fanidan soat 15:30 dan 16:30 gacha o'tilgan dars mashg'ulotlari davomida kulib yonidagi o'rtog'i Kozimov Bunyodbek Nafarjon o'g'liga gapirib bir-birlarini quyon va raisbuva nomlari bilan masxaralab kuldirib va boshqa talabalarning dars eshitishiga halaqit bergan.

Shuningdek, talabalar Uralov Mahsudbek Sherali o'g'li va Kozimov Bunyodbek Nafarjon o'g'li dars mashg'uloti davomida uyali aloqa vositalaridan maqsadsiz foydalanib o'tirishgan.

Ushbu harakatlari bilan M.Uralov va B.Kozimov o'qituvchini ham dars o'tishiga salbiy ta'sir ko'rsatgan.

Ushbu harakatlarni talabalar o'z tushuntirish xatlarida keltirib o'tishgan.

Universitetning Xalqaro huquq va qiyosiy huquqshunoslik fakulteti 1-kurs talabalari Uralov Mahsudbek Sherali o'g'li va Kozimov Bunyodbek Nafarjon

o'g'li mazkur harakatlari bilan TDYU Odob-axloq kodeksi 17-moddasining 11-xatboshisi (o'quv mashg'ulotlari va ishga hamda xodim va talabalarning osoyishtaligiga xalaqit beradigan xatti-harakatlar sodir etish), 27-moddasining 8 va 9 xatboshilari (o'quv jarayonida pedagog xodimning ko'rsatmalariga qat'iy rioya qilishga; dars vaqtida gaplashmaslik hamda dars mashg'ulotiga taalluqli bo'lmagan ishlar bilan shug'ullanmaslikka), 21-moddasining 1-xatboshisi (Dars mashg'ulotlari vaqtida uyali aloqa vositalaridan foydalanish barcha uchun qat'iy taqiqlanadi, pedagog xodimlar tomonidan dars jarayoni bilan bog'liq yoki uzrli holatlar bundan mustasno.) talablarini buzgan.

Toshkent davlat yuridik universiteti Odob-axloq kodeksining 17-moddasining 11-xatboshisi, 21-moddasining 1-xatboshisi va 27-moddasining 8 va 9 xatboshilariga asosan hamda universitetning Ichki tartib qoidalari 83-bandiga asosan

### **BUYURAMAN:**

1.Universitet Odob-axloq kodeksi 17-moddasining 11-xatboshisi, 21-moddasining 1-xatboshisi va 27-moddasining 8 va 9 xatboshilari talablarini buzganligi uchun universitetning Xalqaro huquq va qiyosiy huquqshunoslik fakulteti 1-kurs talabalari Uralov Mahsudbek Sherali o'g'li va Kozimov Bunyodbek Nafarjon o'g'liga hayfsan e'lon qilinsin.

2.Fakultet dekanlari (D.Umarxanova, K.Hakimov, B.Musayev, Sh.Saydullayev, A.Babadjanov) mazkur buyruq mazmun-mohiyati talabalar e'tiboriga yetkazilishi ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanovaga):

mazkur talabalarning shaxsiy hujjatlar yig'majildiga buyruq nusxasi tikilishini ta'minlasin;

boshqa nojo'ya xatti-harakat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

**Yoshlar masalalari va  
ma'naviy-ma'rifiy ishlar  
bo'yicha birinchi prorektor**



**A.XASHIMHONOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

D.UMARXANOVA

**Kelishildi:**

Direktor

SH.PO'LOTOV



Katta yuriskonsult

A.TURSUNOV

